

(Դիոնէսիոս) : Եւ եկեալ Թարգմանին պատմեաց խորհրդականաց , և նոքա ծանուցին զիրս Դատաւորին և Նուրի Էփէնտեայ . և 'ի ստիպել Քաղաքապետին , գնացին Հայք բազմութեամբ անձինք իբրեւ 30 . և նորա կոչեալ զկինն , ցուցանել ասէ զհարկանողն , և նորա հայեցեալ ասէ , չէ 'ի միջի սոցա , եւ Յոյնք ջանացին վկայութեամբ հաստատել զբան կնոջ , թէպէտեւ Հայք պատմեցին զարարս լկտի կնոջ . բայց Քաղաքապետն ոչ անսացեալ բանից նոցա ասէ՝ 2 վկայիւք կախի մի ոք , ահա ամբաստանողն և վկայքըն , չունիմ պէտս այլոց վկայից , անպատճառ տուք 'ի ձեռս իմ զվարդապետն զայն . չհանդուրժեալ Հայոց , աղաղակ բարձին , լուեալ իսկ է մեր ասեն՝ զգարանն զոր գործեն ոմանք՝ և կինս այս եղեւ դործի չարութեան նոցին , և վասն միոյ անգգամի աղարտեցեք զպատիւ վանաց , առաթուր հարէր զկրօնաւորս , թերեւս այսուհետեւ այլ իմն տարօրինակ ամբաստանութիւն յարուսցեն 'ի վերայ մեր . ուստի չէ արժան մեզ այսուհետեւ մնալ 'ի քաղաքիս յայսմիկ , առեալ գիր 'ի Դատաւորէն փութացուք մեկնիլ աստի : Եւ ելեալ անտի գնացին առ Դատաւորն , և նա յղեաց զսպասաւոր իւր և զկինն արամբ , այլ վկայքն փախեան 'ի ճանապարհի . Դատաւորն հարցեալ տեղեկացաւ ամենայն հանգամանաց գործոյն , և ասալ խրատեաց զկինն ամօք բանիւք՝ թէ չէ արժան առն քրիստոնէի եւ ուխտաւորի գործել զայդպիսիս՝ եւ դիմել 'ի դրունս , և եթէ պատահեսցի եւս , պարտ է դիմել առ գլխաւորս վանաց , և այլ յորդորական բանիւք հանդարտեալ արձակեաց զնա : Իսկ Հայք ամբաստան եղեն զանպատշաճ գործոց Քաղաքապետին և խնդրէին գիր մեկնիլ յերուսաղէմէ . զի զնախատինս զայս 'ի դրդմանէ Յունաց արար , և թերեւս արասցէ . Դատաւորն բարեյորդոր բանիւք հանդարտեաց զՀայս եւ դարձոյց զնոսա 'ի վանս իւրեանց : Եւ առաքեաց զմի ոմն յիւրոց ասել ցՔաղաքապետն՝ թէ Պատրիարքունք քրիստոնէից հրովարտակաւ Արքայի ունին իշխանութիւն կառավարել զմիաբանս և զուխտաւորս իւրեանց , և որոց չիցեն ձեռնհաս՝ առաքել առ Դատաւորն եւ նորա տնօրինել ըստ օրինաց զգործն : Կոչեաց նաեւ զՄէհէմէտ ոմն հաւատարիմ նորին , փախուցեալ յերե-